

Broj: 02/12-45-14355/25

Sarajevo, 22.08.2025. godine

Na osnovu člana 100. Zakona o javnim nabavkama ("Službeni glasnik", br. 39/14,59/22 i 50/24) i člana 26. Pravilnika o javnim nabavkama roba, vršenju usluga i ustupanju radova, br. 02/12-45-25701/22 od 10.12.2022. godine, u predmetu javne nabavke Nabavka usluge osiguranja motornih vozila" u Konkurentskom postupku, objavljenom u Službenom glasniku BiH, br. 37/25 i Portalu javne nabavke, broj obavještenja 422-7-2-67-3-96/25 od 13.06.2025. godine, postupajući po žalbi ponuđača SARAJEVO OSIGURANJE DD SARAJEVO, izjavljenu na Odluku br. 02/12-45-14355/25 od 06.08.2025. godine, na Preporuku Komisije za javne nabavke roba i usluga, Općinski načelnik, donosi

ODLUKU

1. Stavlja se van snage Odluka o prihvatanju ponude ponuđača EUROHERC OSIGURANJE DD SARAJEVO, sa ponudom u iznosu od 13.166,06 KM sa PDV – om, br. 02/12-45-14355/25 od 06.08.2025. godine, a povodom uvažavanja navoda žalbe ponuđača SARAJEVO OSIGURANJE DD SARAJEVO.

2. Prihvata se ponuda ponuđača SARAJEVO OSIGURANJE DD SARAJEVO, sa ponudom u iznosu od 13.445,30 KM, u predmetu javne nabavke „Nabavka usluge osiguranja motornih vozila“ u Konkurentskom postupku, objavljenom u Službenom glasniku BiH, br. 37/25 i Portalu javne nabavke, broj obavještenja 422-7-2-67-3-96/25 od 13.06.2025. godine.

3. Zadužuje se Služba za zajedničke poslove da obavjesti učesnike u Konkurentskom postupku javne nabavke o donošenju Odluke o dodjeli ugovora u žalbenom postupku.

4. Protiv ove Odluke dozvoljena je žalba u roku od 5 dana od dana prijema iste.

Obrazloženje

Postupak javne nabavke – "Nabavka usluge osiguranja motornih vozila", pokrenut je u skladu sa članom 18. Zakona o javnim nabavkama u Konkurentskom postupku, objavljenom u Službenom glasniku BiH, br. 37/25 i Portalu javne nabavke br. 422-7-2-67-3-96/25 od 13.06.2025. godine.

Izveštajem i preporukom Komisije za javne nabavke roba i usluga utvrđeno je sljedeće:

- Da je Zapisnikom sa otvaranja ponuda od 24.06.2025. godine, konstatovano je da su zaprimljene dvije ponude:
- 1. EUROHERC OSIGURANJE DD SARAJEVO, sa ponudom u iznosu od 13.166,06 KM,
- 2. SARAJEVO OSIGURANJE DD SARAJEVO, sa ponudom u iznosu od 13.129,28 KM

- Da je Komisija detaljnom analizom pristiglih ponuda, odnosno dokumentacije koja se nalazi u Sastavu ponuda utvrdila da dostavljene ponude ponuđača ispunjavaju kvalifikacione uslove specificirane tenderskom dokumentacijom.

- Da je vršeći računsku kontrolu ponuda, Komisija je utvrdila da ponuda ponuđača SARAJEVO OSIGURANJE DD SARAJEVO nije računski ispravna, te je aktom br. 02/12-45-14355/25 od 05.08.2025. godine zatražila saglasnost na izvršenu računsku kontrolu ponude, tako da ponuda navedenog ponuđača nakon ispravke računске greške iznosi 13.445,30 KM. Na ispravku računске greške ponuđač SARAJEVO OSIGURANJE DD SARAJEVO je dalo saglasnost, aktom br. 01-4759/25 od 06.08.2025. godine.

Imajući u vidu navedeno, tj. da su dostavljene dvije ponuda koje ispunjavaju uslove specificirane tenderskom dokumentacijom, to je na Preporuku Komisija za javne nabavke roba i usluga, primjenom kriterija najniža cijena, shodno članu 64. stav 1. tačka b. Zakona o javnim nabavkama, donešena Odluka, br. 02/12-45-14355/25 od 06.08.2025. godine o dodjeli ugovora ponuđaču EUROHERC OSIGURANJE DD SARAJEVO, sa ponudom u iznosu od 13.166,06 KM.

- Da je protiv navedene Odluke, ponuđač SARAJEVO OSIGURANJE DD SARAJEVO podnijelo žalbu koja je dopuštena, izjavljena od ovlaštenog lica i blagovremena.

- Da u žalbi, žalitelj navodi da u obrascu za cijenu ponude Aneksu 3. tenderske dokumentacije – Specifikacija službenih motornih vozila“ troškovi osiguranja jasno i nedvosmisleno navedeni koje je ponuđač dužan uzeti u obzir prilikom obračuna premije osiguranja.

Shodno tome, ugovorni organ je za vozila pod rednim brojem 11. marke IVECO, registarskih oznaka K82-M-188 naveo da se radi o obliku karoserije “SG-RADNO OSTALO“ u kojem slučaju se premija osiguranja obračunava prema tarifnoj grupi 10.13. Odluke o načinu utvrđivanja tarife premije i cjenika za osiguranja vlasnika vozila od odgovornosti za štetu prouzrokovanu trećim licima (Službene novine Federacije BiH, br. 77/20,42/22, 85/22 i 56/23), tako da ispravan iznos premije osiguranja za navedeno vozilo je 206,01 KM sa uključenom autonezgodom, a izabrani ponuđač je premiju osiguranja za predmetno vozilo obračunao kao za „Vatrogasno sa radnim uređajem“ – premijske grupe 10.03, u iznosu od 162, te je na taj način postupio suprotno uputama ugovornog organa, te je prekršio Zakon o javnim nabavkama kao i cjenik i tarifu definisanu podzakonskim aktom Agencije za nadzor osiguranja.

U prilogu akta je dostavio polisu br. 3839344

Nadalje, u žalbi žalitelj navodi da je za vozilo pod rednim brojem 33. Rovokopač, registarske oznake K80-M-116 označeno kao „Rovokopač na točkovima kao utovarivač“, premiju osiguranja trebalo obračunati prema tarifnoj grupi 10.11. gore navedene Odluke koja iznosi 159,00 KM, a izabrani ponuđač je premiju osiguranja obračunao posmatrajući isto kao „Bager“, prema tarifnoj grupi 10.08. Odluke o načinu utvrđivanja tarife premije i cjenika za osiguranja vlasnika vozila od odgovornosti za štetu prouzrokovanu trećim licima (Službene novine Federacije BiH, br. 77/20,42/22, 85/22 i 56/23) u iznosu od 60,00 KM.

Žalitelj dalje navodi da se izabrani ponuđač nije obračunao iznos za autonezgodu za priključna vozila i ako je ugovorni organ zahtijevao da se ista obračuna.

- Da je Komisija za javne nabavke razmatrala navode žalbe, a nakon uvida u Odluku o načinu utvrđivanja tarife premije i cjenika za osiguranja vlasnika vozila od odgovornosti za štetu prouzrokovanu trećim licima (Službene novine Federacije BiH, br. 77/20,42/22, 85/22 i 56/23) kao njene priloge, a posebno dio koji se odnosi na PREMISKE GRUPE 10 – RADNA VOZILA, utvrđeno je da je žalba osnovana.

Naime, u Odluku o načinu utvrđivanja tarife premije i cjenika za osiguranja vlasnika vozila od odgovornosti za štetu prouzrokovanu trećim licima (Službene novine Federacije BiH, br. 77/20,42/22, 85/22 i 56/23) - tabeli PREMISKE GRUPE 10 – RADNA VOZILA, utvrđeni su premijski razredi s pripadajućim bonusima, odnosno malusima, tako što je za radno vozilo pod rednim brojem 11. „IVECO“ registarskih oznaka K82-M-188, okarakterisano kao teretno vozilo koje spada u premisku grupu 10.13. „ostala radna vozila“ trebalo obračunati premiju u iznosu od 206, a ne u premijsku grupu 10.03 „vatrogasno vozilo sa radnim uređajem“ sa premijom osiguranja u iznosu 162 kako je to učinio izabrani ponuđač.

Takođe, za vozilo pod rednim brojem 33. ROVOKOPAČ, registarske oznake K80-M-116, označeno kao „Rovokopač na točkovima kao utovarivač“, premiju osiguranja trebalo je obračunati prema tarifnoj grupi 10.11. „RADNE MAŠINE“ gore navedene Odluke koja iznosi 159,00 KM, a izabrani ponuđač je premiju osiguranja obračunao u iznosu od 60 KM, posmatrajući isto kao „Bager“, prema tarifnoj grupi 10.08.

Imajući u vidu da je izabrani ponuđač bio dužan pridržavati se utvrđenih tarifa za vozila koja su predmet osiguranja, shodno Odluku o načinu utvrđivanja tarife premije i cjenika za osiguranja vlasnika vozila od odgovornosti za štetu prouzrokovanu trećim licima (Službene novine Federacije BiH, br. 77/20,42/22, 85/22 i 56/23), te da Aneks 3. tenderske dokumentacije nije popunjen u skladu sa istom, to ne ispunjava uslove iz tačke 3.2.1. pod 2) Popunjen obrazac za cijenu ponude (Aneks 3), to se njegova ponuda odbacuje, shodno članu 68. Zakona o javnim nabavkama.

Imajući u vidu navedeno, to je na preporuku Komisije za javne nabavke roba i usluga, shodno članu 64. stav 1. tačka b. Zakona o javnim nabavkama, odlučeno kao u dispozitivu.

Pouka o pravnom lijeku:

Protiv ove Odluke dozvoljena je žalba u roku od 5 dana po prijemu Odluke za razmatranje žalbi Mostar, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

Obradila: Komisija za javne nabavke roba i usluga

DOSTAVITI:

1. Služba za zajedničke poslove
2. U spis

Općinski načelnik
mr. Semir Efendić